



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

De monastica vita. XVII

[urn:nbn:de:hbz:466:1-45790](http://urn.nbn.de/hbz:466:1-45790)

sunt multum ponderanda merita nostra. Debes tamen pro talibus impedimentis supplicare: vt Deus tibi dignetur subuenire, & possis benignè portare. Matth. 6. & Luc. 11.

2. Si quis semel aut bis admonitus non acquiescit, noli cum eo contendere; sed totum Deo committe, vt fiat voluntas eius & honor in omnibus seruis suis, quis fecit bene mala in bonum convertere. Stude patiens esse in tolerando aliorum defectus, & qualescumque infirmitates: quia & tu multa habes, quæ ab aliis oportet tolerari. Si non potes te talem facere, qualem vis; quomodo poteris alium ad tuum habere beneplacitum? Libenter habemus alios perfectos, & tamen proprios non emendamus defectus.

3. Volumus, quod alij strictè corrigantur, & ipsi corrigi nolumus. Displacet larga aliorum licentia, & tamen nobis nolumus negari, quod petimus. Alios restringi per statuta volumus, & ipsi nullatenus patimur amplius cohiberi. Sic ergo patet, quārò proximum sicut nosipso pensamus. Si essent omnes perfecti, quid tunc haberemus ab aliis pro Deo pati?

4. Nunc autem Deus sic ordinavit, vt discamus alter alterius onera portare: quia nemo sine defectu, nemo sine onere, nemo sibi sufficiens, nemo sibi satis sapiens: sed oportet nos inuicem portare, inuicem consolari, pariter adiuuare, instruere, & admonere. Quantæ autem virtutis quisque fuerit, melius patet occasione aduersitatis. Occasiones namque hominem fragilem non faciunt, sed qualis sit, ostendunt.

## C A P V T X V I I .

*De monastica vita.*

1. O Portet, vt discas te ipsum in multis frangere, si vis pacem Galat. 6.  
& concordiam cum aliis tenere. Non est paruum in monasteriis vel in congregacione habitare, & inibi sine querela conuersari, & usque ad mortem fidelis perseverare. Beatus, qui ibi Luc. 16.  
dem bene vixit, & feliciter consummauit. Si vis debitè stare & proficere, teneas te tanquam exulēm peregrinum super terram. Oportet te stultum fieri propter Christum, si vis religiosam du-

cere vitam.

2. Habitus & tonsura modicum conferunt; sed mutatio morum & integra mortificatio passionum, verum faciunt religio- 1. Pet. 2.  
sum. Qui aliud querit quam pure Deum, & animæ suæ salutem, Ecclesi. 1. &  
non inueniet nisi tribulationem & dolorem. Non potest etiam diu stare pacifcus, qui non nititur esse minimus, & omnibus subiectus.

3. Ad serviendum venisti, non ad regendum. Ad patiendum Matth. 20.  
& laborandum scias te vocatum, non ad otiandum vel fabulan-  
dum.

334 DE IMITATIONE CHRISTI  
dum. Hic ergo probantur homines, sicut aurum in fornace. Hi  
nemo potest stare, nisi ex toto corde se voluerit propter Deum  
humiliare.

C A P V T XVIII.

*De exemplis sanctorum Patrum.*

*Hebr. 11.*

1. Tuere sanctorum Patrum viiida exempla, in quibus veri  
perfectio resulxit & religio; & videbis quam modicum sit  
& penè nihil, quod nos agimus? Heu quid est vita nostra, si illa  
fuerit comparata? Sancti & amici Christi, Domino seruerunt  
in fame & siti, in frigore & nuditate, in labore & fatigatione, in  
vigiliis & ieiuniis, in orationibus & sanctis meditationibus, in  
persecutionibus & opprobriis multis.

*Ioan. 1.*

2. O quam multas & graues tribulationes passi sunt Aposto-  
li, Martyres, Confessores, Virgines, & reliqui omnes, qui Christi  
vestigia voluerunt sequi. Nam animas suas in hoc mundo odi-  
runt, ut in æternam vitam eas possiderent. O quam strictam &  
abdicatam vitam sancti Patres in cremo duxerunt. Quam lon-  
gas & graues tentationes pertulerunt? Quam frequenter ab ini-  
mico vexati sunt? Quam crebras & feruidas orationes Deo ob-  
tulerunt? Quam rigidas abstinentias quotidie peregerunt? Quam  
magnum zelum & fervorem, ad spiritualem profectum habue-  
runt? Quam forte bellum aduersus edomationem vitiorum ges-  
serunt? Quam puram & rectam intentionem ad Deum tene-  
runt? Per diem laborabant, & noctibus orationi diutinæ vaca-  
bant; quanquam laborando aboratione mentali minimè cessa-  
rent.

*Matth. 19.*

3. Omne tempus vtiliter expendebant; omnis hora ad vacan-  
dum Deo breuis videbatur: & præ magna dulcedine contem-  
plationis, etiam obliuioni tradebatur necessitas corporalis refectio-  
nis. Omnibus diuitiis, dignitatibus, honoribus, amicis, & cognati-  
s renunciabant: nil de mundo habere cupiebant; vix necessaria  
vitæ sumebant: corpori seruire, etiam in necessitate dolebant.  
Pauperes igitur erant rebus terrenis, sed diuites valde in gratia  
& virtutibus. Foris egebant; sed intus gratia & consolatione di-  
uina reficiebantur.

*Jacobi 4.*

4. Mundo erant alieni, sed Deo proximi ac familiares amici.  
Sibiipsis videbantur tanquam nihili, & huic mundo despecti: sed  
erant in oculis Dei preciosi & dilecti. In vera humilitate stabant,  
in simplici obedientia viuebant, in charitate & patientia ambu-  
labant; & ideo quotidie in spiritu proficiebant, & magnam apud  
Deum gratiam obtinebant. Dati sunt in exemplum omnibus  
religiosis: & plus prouocare nos debent ad bene proficiendum,  
quam tepidorum numerus ad relaxandum.

5. O

